

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u vezi sa članovima 36. i 46. Zakona o izvršavanju budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22) i člana 5. Programa utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615300, pozicija „Kapitalni transferi neprofitnim organizacijama“, Budžeta Zeničko-dobojskog kantona za 2022. godinu, broj: 02-11-12313/22 od 11.08.2022. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 168. sjednici, održanoj dana 18.08.2022. godine, donosi

ODLUKU

o odobravanju sredstava Medžlisu islamske zajednice Zenica u svrhu sufinansiranja projekta izgradnje i opremanja interijera Islamskog centra u Zenici

Član 1.

(Predmet)

Odobravaju se sredstva Medžlisu islamske zajednice Zenica u ukupnom iznosu od 300.000,00 KM (slovima: tristotine hiljade konvertibilnih maraka) u svrhu sufinansiranja projekta izgradnje i opremanja interijera Islamskog centra u Zenici.

Član 2.

(Isplata sredstava)

Odobrena sredstva će se isplatiti iz Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), sa razdjela 22, budžetska organizacija 01, potrošačka jedinica 0001 - Ministarstvo za obrazovanje, nauku, kulturu i sport, ekonomski kod 615300, pozicija „Kapitalni transferi neprofitnim organizacijama“.

Član 3.

(Ugovor o prenosu sredstava)

Ovlašćuje se ministar Ministarstva za obrazovanje, nauku, kulturu i sport da potpiše Ugovor o prenosu sredstava sa predsjednikom Medžlisa, sa ciljem realizacije odobrenih sredstava iz člana 1. ove odluke.

Član 4.

(Realizacija Odluke)

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.

(Izvještavanje)

Korisnik sredstava je dužan Ministarstvu za obrazovanje, nauku, kulturu i sport, po okončanju projekta, odnosno utroška odobrenih sredstava, a najkasnije u roku od 15 dana, dostaviti izvještaj o namjenskom utrošku odobrenih sredstava.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-12617/22

Datum, 18.08.2022. godine

Z e n i c a

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.